

JIŘÍ SOJÁK

## POTENTILLA OREODOXA, SPECIES NOVA HISPANICA

*Potentilla oreodoxa* sp. n. (sectio *Multifidae*)

Planta perennis caudice valido, lignescenti, residuis stipularum emortuarum obscure ferrugineis, = pilosis, mediocriter densis, obsitis.


Caules nonnulli (ca. 2—4), e basi arcuato-ascendenti erecti, 18—45 cm alti, oligophylli, firmuli, plerumque fusciscentes vel ferruginei, in triente inferiore 1,5—2,8 mm crassi, superne = parce ramosi.

Folia radicalia et caulina infima 3—12 cm longa, (3-) 4- 5- jugo-pinnata jugis inter se modice remotis [ $\frac{1}{3}$ - $\frac{1}{5}$ - 10 /-15/ mm], stipulis haud admodum latis, subdense adpresse pilosis, auriculis lineari-lanceolatis, 3—7 mm longis. Petioli (1-) 2—7 cm longi, sicut caules pedicellique pilis modice longis (ca. 1—2 mm), mediocriter densis, horizontaliter vel oblique patentibus et setulis brevissimis densis vestiti. Foliola ambitu oblongo-ovovata vel oblonga, sessilia vel superiora = haud late decurrentia, subpectinatim serrata serraturis = crebris, regularibus, parvis, margine planis, supra viridia vel cano-viridia, opaca, mediocriter dense pilosa pilis modice longis subadpressis vel subpatentibus, subtus cano-viridia vel cana, primo obtutu tenuiter tomentosa, plerumque glandulosa, ad nervos pilis longis, rectiusculis, = subadpressis, densis tecta, inter nervos pilis paulo brevioribus vel = aequilongis, = patentibus, fere rectiusculis vel saepius curvatis, sparsis vel densis vestita. Foliolum terminale (1-) 1,5—2,5 cm longum et 0,6—1,0 cm latum serraturis utrinque 5—9 acutis vel rarius subobtusis, ca. ad  $\frac{1}{2}$  dimidii laminae attingentibus, ultima saepe prominula.

Folia caulina parca vel comparative sat numerosa, radicalibus similia, brevius petiolata, ad apicem caulium sensim decrescentia, denique reducta. Stipulae foliorum caulinarum herbaceae, ovato-lanceolatae, acuminatae, semper integrae.

Inflorescentia initio fere contracta, dein laxiuscula, ca. 5- 15- flora.

Flores (1,6-) 2 cm in diametro, pedicellis modice longis. Calyx breviter opace tomentellus nervatione haud prominenti (etiam in fructu), post anthesin modice accrescens. Sepala triangularia, acuta, sub anthesi 4,5—7 mm longa et 2,5—4 mm lata, in fructu 7—10 mm longa et 3—5 mm lata, pilis longioribus et brevibus item glandulis vulgo magnis, densis tecta. Episepala oblongo-lanceolata vel oblonga, calyce breviora vel rarius aequilonga. Petala aurea, late obcordata, apice retusa vel sinuata, magna, (7-) 8—10 (-11) mm longa, calyce multo superantia. Stamina ca. 20, antheris 0,8—1,2 (-1,3) mm longis, ovatis, ovato-oblongis vel ellipticis.



Folia radicalia: 1. *P. oreodoxa* sp. n., 2. *P. ibrahimiana* MAIRE, 3. *P. hispanica* ZIMM.; 4.—5. folia caulina inferiora *P. oreodoxae* (dimensiones naturales).

Receptaculum conicum, polycarpum, pilosum. Stylus subterminalis, crassus, coniformis, parte inferiore valde incrassatus, sursum sensim attenuatus, 1,1—1,5 mm longus, stigmate parum dilatato. Nuculae maturae ca. 1,5 mm longae, leviter rugulosae (sculpturatae).

**T y p u s :** Province de Teruel: Noguera, lieux arides et rocheux, sur le trias. 1500 mètres. Rare. Juillet. E. REVERCHON — Plantes d'Espagne — 1894 [sub no. 960 *Potentilla Pensylvanica* L.] Specimen originale in herbario Musei nationalis Pragae [PR] conservatum.

**A r e a g e o g r a p h i c a :** Hispania orient. et merid.: Sierra de Noguera, Origuela, Serrania de Cuenca, Sierra Magina, Sierra del Cuarto.

**H a b i t a t** locis aridis, stepposis vel saxosis in montibus alt. 1500 — 2000 m s. m., solo calcareo.

**D i f f e r e n t i a :** Haec species a *P. hispanica* ZIMM. s. str. (e Sierra de Alfacar) indumento petiolorum caulibusque brevior, forma et vestitu foliolorum bene distat; a *P. ibrahimiana* MAIRE s. ampl. (ex Atlante maroccano et algeriensi) praesertim nervatione calycis et hypanthii haud prominenti differt; a *P. pensylvanica* L. s. l. (incl. *P. strigosa* auct.) imprimis petalis antherisque multo majoribus abhorret.

Jaroslav Hak — Milan Kvaček — Zdeněk Johan : Chemical-mineralogical Investigation of Chalcostibite from the Nizké Tatry MTS — Chemicko-mineralogické studium chalkostibitu z Nizkých Tater — Химико-минералогическое изучение халькостибита с Иизких Татров.

Ivo Flasar : Malakofauna Břehyňského a Novozámeckého rybníka na Českolipsku.

Jiří Soják : *Potentilla oreodoxa*, species Nova hispanica

---

SBORNÍK NÁRODNÍHO MUZEA V PRAZE — ACTA MUSEI NATIONALIS PRAGAE

Redaktor :

Dr. Jiří Kouřimský CSc.

Kčs 8,50

A—25\*41694